



MEMORIA XUSTIFICATIVA DO CONVENIO DE COLABORACIÓN ENTRE A VICEPRESIDENCIA E CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA E A FUNDACIÓN AYUDA EN ACCIÓN NO MARCO DA INICIATIVA DE DESENVOLVEMENTO DO SECTOR ACUICOLA E PESQUEIRO ARTESANAL NA BAÍA DE SECHURA, PERÚ.

(1) A Vicepresidencia e Consellería de Presidencia, Administracións Públicas e Xustiza, a través da Dirección Xeral de Relacións Exteriores e coa UE e da súa Subdirección Xeral de Cooperación Exterior, é o órgano da Administración autonómica que ten atribuído o exercicio das competencias en materia de cooperación para o desenvolvemento.

No mencionado ámbito material, constitúe un dos obxectivos prioritarios sectoriais é a da potenciación dos axentes de cooperación ao desenvolvemento de Galicia co fin de crear unha rede de solidariedade na nosa sociedade.

(2) Antecedentes:

En febreiro de 2015 tivo lugar a sinatura dun Memorando de Entendemento Marco de Cooperación entre o Ministerio da Producción da República do Perú e a Xunta de Galicia, para colaborar na posta en marcha de proxectos e iniciativas de cooperación técnica, científica, tecnolóxica e de xestión, que deriven na mellora da xestión, produción e comercialización dos produtos pesqueiros e acuícolas, e que incrementen o desenvolvemento das poboacións costeiras, mediante a explotación racional e sostible dos recursos hidrobiolóxicos.

Tendo en conta todo o anterior, no ano 2018 encargouse á Fundación CETMAR a realización dunha Misión de Identificación no ámbito da pesca e acuicultura artesanal, na que participaran os diferentes axentes e actores con experiencia na zona e sector de intervención e no que se recolleran especificamente as demandas e necesidades de apoio técnico das institucións de goberno en Perú.

Para a realización deste proxecto, estase tramitando un Acordo Marco de Colaboración entre a Vicepresidencia e Consellería de Presidencia, Administracións Públicas e



Xustiza da Xunta de Galicia e a Fundación CETMAR, a Fundación Ayuda en Acción e a Asociación Nacional de Fabricantes de Conservas de Pescados y Mariscos (ANFACO-CECOPESCA) para a posta en marcha dunha Iniciativa de Desenvolvemento do sector acuícola e pesqueiro artesanal na Baía de Sechura, Perú. Para a realización das accións que se derivan deste proxecto tramitaranse convenios coas diferentes entidades involucradas, onde se establecerán os detalles das actividades a executar por cada organización, de maneira conxunta e coordinada, e se determinen as obrigas orzamentarias de cada parte. As accións relativas a colaboración da Fundación Ayuda en Acción son o obxecto desta memoria e do convenio que a acompaña.

A Fundación Ayuda en Acción (en diante Fundación AeA) leva traballando no ámbito de cooperación para o desenvolvemento máis de 37 anos coa misión de promover a solidariedade das persoas nun mundo global para impulsar que a infancia, as súas familias e poboacións que sofren pobreza, exclusión e desigualdade, desenvolvan as súas capacidades para conseguir as súas aspiracións de vida digna, de modo sostible

(3) Finalidade

A finalidade do convenio que se acompaña é a contribuír ao desenvolvemento económico e social das comunidades costeiras da Baía de Sechura, departamento de Piura, Perú, incrementando a competitividade do sector a través do fortalecemento institucional e organizacional, a transferencia tecnolóxica e a sustentabilidade ambiental.

(4) Obxecto

O obxecto deste convenio é materializar a colaboración da Fundación Ayuda en Acción no proxecto que consistirá nas seguintes actividades:

Mellorar a capacidade de organización e a cultura empresarial das OSPAS e cooperativas.

Explorar oportunidades de mellora para a xestión ambiental na Baía de Sechura, a través de actividades de educación e sensibilización sobre o medio mariño e





exploración de posibilidades de recuperación ambiental de la Baía de Sechura a través da aplicación de biotecnoloxía.

(5) A singularidade e especificidade das actividades obxecto do proxecto, que son de claro interese público e inciden directamente no ámbito da cidadanía en xeral, a natureza específica da entidade destinataria da subvención que cumpre coas prioridades sectoriais que recolle a Lei 3/2003, do 19 de xuño, de cooperación para o desenvolvemento, así como a súa necesaria posta en marcha, xustifican que a axuda solicitada se tramite por medio dunha concesión directa a través da formalización dun convenio de colaboración.

(6) A Xunta de Galicia financiará o proxecto cunha achega total de douscentos mil euros (200.000,00€), con seguinte desglose:

Aplicación	2019	2020	2021
05.26.331A.490.0.	45.071,62	66.917,93	64.838,83
05.26.331A.790.0.	4.928,38	8.082,07	10.161,17
Total	50.000,00	75.000,00	75.000,00

A Fundación Ayuda en Acción aportará 17.102,97 € para a execución do proxecto.

(7) Polo exposto, considérase xustificada a utilización do instrumento do convenio para articular as actuacións de referencia, quedando o dito convenio fóra do ámbito de aplicación da Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, con independencia de que, ao abeiro do previsto no artigo 4 da dita norma, lle sexan de aplicación os principios desta lei para resolver as dúbidas e lagoas que se poidan presentar.

Firmado electronicamente en Santiago de Compostela

O director xeral de Relacións Exteriores e coa UE

Jesús Gamallo Aller



Xacobeo 2021

